

Bosna i Hercegovina
Federacija Bosne i Hercegovine
Tuzlanski kanton
JU Služba za zapošljavanje TK

Broj: 01-14-39/16-14
Datum, 08.12.2016. godine

Na osnovu člana 69. stav (2) pod d), Zakona o javnim nabavkama Bosne i Hercegovine („Službeni glasnik BiH“ br.39/14) i člana 25. Statuta Javne ustanove Službe za zapošljavanje Tuzlanskog kantona, donosim:

ODLUKU
O PONIŠTENJU POSTUPKA JAVNE NABAVKE

I

Poništava se postupk javne nabavke dodatnih i nepredviđenih radova koji su usljed nepredviđenih okolnosti neophodni za realizaciju osnovnog ugovora na adaptaciji i/ili rekonstrukciji općinskog Biroa Tuzla, a za koji se proveden pregovarački postupak bez objave obavještenja, jer nijedna od primljenih ponuda nije prihvatljiva.

II

Ova Odluka stupa na snagu danom donošenja i bit će objavljena na web stranici Službe.

Obrazloženje

JU Služba za zapošljavanje Tuzlanskog kantona je u skladu sa članovima 17. stav (1) i 24. pod a) Zakona o javnim nabavkama Bosne i Hercegovine („Sl.glasnik BiH“ broj: 39/14) donijela Posebnu Odluku o pokretanju pregovaračkog postupka bez objave obavještenja broj: 01-14-39/16-8 od 24.11.2016. godine za nabavku dodatnih i nepredviđenih radova koji su usljed nepredviđenih okolnosti neophodni za realizaciju osnovnog ugovora na adaptaciji i/ili rekonstrukciji općinskog Biroa Tuzla. Predmetna Odluka je objavljena na web stranici JU Službe za zapošljavanje TK.

Poziv za dostavljanje Zahtjeva za učešće upućen je ponuđaču Kristal doo Živinice, kojem je dodjeljen i osnovni Ugovor u predmetnoj javnoj nabavci. Ponuđač je dostavio Zahtjev je za učešće, za koji je Komisija za javne nabavke u Zapisniku broj: 01-14-39/16-10 od 02.12.2016. godine, konstatovala da je kvalifikovan.

Nakon toga kvalifikovanom ponuđaču Kristal doo Živinice, poslat je Poziv za dostavljanje početne ponude, broj: 01-14-39/16-11 od 02.12.2016. godine.

Ponuđač je blagovremeno dostavio svoju početnu ponudu br: 07-12/16 od 07.12.2016. godine.

Komisija je izvršila analizu dostavljene inicijalne ponude i konstatovala da ista ne ispunjava sve zahtjeve iz tenderske dokumentacije, odnosno ukupna cijena radova suprotna je članu 24. pod a) ZJN-a, gdje stoji da ukupna vrijednost ugovora dodjeljenih za dodatne radove ne može preći 20% vrijednosti osnovnog ugovora, a što je precizno naznačeno i u tenderskoj dokumentaciji. Obzirom da je ponuda ponuđača Kristal doo Živinice i jedina dostavljena ponuda, proizilazi da nije dostavljena nijedna prihvatljiva ponuda.

Temeljem navedenog, u skladu sa članom 69. stav (2) pod d), a u vezi sa preporukom Komisije za javne nabavke u Zapisniku o ocjeni početnih ponuda, broj: 01-14-39/16-12 od 07.12.2016. godine, odlučeno je kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi BiH, putem Ugovornog organa, najkasnije u roku od 10 (deset) dana od dana prijema ove odluke. Žalba se podnosi u dovoljnom broju primjeraka, a koji ne može biti manji od tri. Naknada za žalbu je propisana članom 108. Zakona o javnim nabavkama Bosne i Hercegovine.

Pripremila:

mr.iur.Ahmetović Berisa, bachelor prava

Stručni saradnik za javne nabavke

DIREKTOR

Senad Muhamedbegović, dipl.pravnik

Dostaviti:

1. Kristal doo Živinice

2. a/a

Prilog: Zapisnik o ocjeni početnih ponuda;